

四庫全書

史部

欽定四庫全書

兩河清彙卷四

益都薛鳳祚撰

運河

漕河第四節自淮安府宿遷縣起至鎮江府止 清口

漕河會黃淮河入淮揚裏河至瓜儀過江

職官夫役河道湖閘

宿遷縣

河道自駱馬湖起至古城桃源縣界止長六十二里
駱馬湖十里至縣又四十里至白洋河又十二里至
古城

桃源縣

黃河河道上自宿遷縣古城起下至駱馬營清河界
止長七十三里

古城四十八里至桃源縣桃源二十五里至駱馬營
清河界止

桃源縣知縣 管河主簿

清河縣

河道西自桃源界駱馬營起東至運河口二十五里
又自運河口起至山陽界李家淺止八里

自運河起至文華寺迤東山陽界七里墩止計七里
工程甘羅城東水壩 文華寺 奶奶廟 天妃廟

清河縣知縣 管河主簿

新莊閘閘官閘夫三十名 淺夫二十五名 徭夫

八十一名 沐陽縣協濟夫三十五名

高堰以下四段不係河道 自七里溝石墩起至石工盡止四十五里額夫二百四十名

洪澤湖後因工繁每歲估修添募夫二百六十名 高良湖 越城 周橋閘 古溝鎮

自周橋閘起至塘埂盱眙縣界止二十里奉文依舊填平不許增高一寸

山陽縣外河募夫一千裡河淺夫一百二十名黃河淺

夫八十五名 高堰淺夫二百四十名 龍王閘閘

夫二百三十三名

工程裡河兩畔 高堰一帶石工清江越河閘

太皇老堤自吳城起至清口止長三千三百三十四
丈

山陽縣知縣 裏河主簿 外河主簿 高堰大使

河道自清河界季家淺起至寶應界黃浦止長一百
一十里

山陽縣至寶應縣八里 武城閘 高良澗閘 周

家橋閘

以上高堰大使管轄 西北洪澤湖一道

龍江口

清江口

福興閘

山陽西四十里

清江閘

軍餉戶部船正戶部

山陽北三十里

移鳳閘

板閘

抽分戶部山陽北三十里

淮安府山陽縣西關 管家湖

秀麗所鍾郡之勝地

沙河即運河起清河至山陽六十里

澗河即菊花溝在山陽運河之下西接運河閘河之

水東通射陽湖入海之路 西門水關通城河與文

開水遶南門城河龍王閘接城河遶舊城東門外龍

江閘入澗河由射陽入海楊家廟窰灣閘

旱路西北至高家堰

通泗州盱眙以上俱
係裡河主簿管轄

平河橋山陽南四十里

涇河大閘山陽縣四十里東入射陽湖

黃浦雙閘山陽南五十里為揚州府寶應界南至寶

應三十里

汎光湖

揚州府寶應縣 子嬰溝等淺凡十

河道自寶應北黃河界起至寶應南界首鎮止長八
十里

寶應縣至高郵州一百二十里

自黃浦閘起二十五里至北宏濟閘三十里至九佃
閘二十里至界首鎮

工程黃浦

寶應縣知縣 管河主簿 淺夫一百一十五名

白馬湖 廣洋湖

東岝下河自子嬰雙閘起至臨澤四十里臨澤至興

化縣六十里

運河東

白龍潭寶應縣西一百二十里雲山之上周迴五十

丈深二丈餘

運河西

章河寶應南六十里東北入廣洋湖

寶應南界首鎮河道六十里至高郵州

界首南四十里清水潭三閘二閘頭閘至高郵州界
首南四十五里茆塘港支河引高寶湖入邵伯湖下
金家灣入芒稻河入江北自泥旬橋南至七里閘止
計七里又至陸漫閘計十三里又至高郵南金門閘
四十里沿堤開設減水閘

閘河舊為運鹽河在高郵下河東抵興化縣西抵運
河堤岸俗稱東河東岸自減水閘支河起至興化縣
止計一百二十里

下河

高郵州王栱等淺凡十二

河道至江都縣一百二十里

高郵州知州 管河州判 淺夫一百三十三名

工程清水潭 東西南壩一帶石工

五里閘 車邏閘 露舫閘 三溝鎮閘 裔家閘

青石港閘 二宿閘 以上在邵伯北 小壩閘 金灣閘

雙橋閘 沙壩閘 以上在江都縣 減水閘在外

州南三十里張家溝巡檢司

州南三十里鋪高郵南界

甓社湖州西三十里常見大珠其光燭天

州南六十里邵伯鎮

邵伯越河 邵伯湖 白茅湖

以上雷塘接小午塘為槐子河直洩運河宜添減水
閘

茅塘湖支河西接盱泗諸山之水東通邵伯金家灣
下芒稻河

南四十至灣頭 江都北十五里即茱萸灣東至泰州九十里 東通海陵如臯通州海門泰興其支派通於諸場故名鹽河又南十五里至揚州府

揚州府江都縣

河道至儀真七十五里至瓜州四十里

江都縣知縣 管河主簿 淺夫一百二十名

其一縣南十五里至楊子橋二水分流二十里至儀真界石人頭又四十里至儀真江際

其一楊子橋東南流又二十五里至儀真縣瓜州攔
潮閘江口

儀真縣北三十里槐子河自陳公塘接句城塘引水
入運河

儀真縣知縣 管河典史 淺夫二十七名麻綿港等
淺凡三

清江等四閘閘官一員閘夫一百五十四名

瓜州江防同知

瓜州閘官閘夫一百零五名

漕河四節事宜

防青口淤澁清口乃黃淮交會之處運道必經之所稍淺阻便非利涉但欲其通利須令全淮之水盡由此出則力能敵黃不為沙壅偶遇黃水先發淮水尚微河沙淤上不免淺阻然黃退淮行深復如故不為害也往往高堰潰決淮從東行黃亦隨之而清口遂為平陸今高堰築矣獨慮清河對岍王家口等處淮水

過盛從此決出則清河之力微矣故於清河縣南岍築堤一千一百八十丈今又接築張福堤四百四十餘丈以防其決工若緩關係甚大已題奉 明旨責差印官專力看守更有一事猶宜稽察清口之上口堰河南鳳泗等處商販船隻最利由此直達每為盜決尤宜防之

歲守通濟閘外大壩舊日通濟閘逼近外河河形淺直水勢洶湧不便啟閉而朱家口一帶堤岍尤為難守

今移閘於甘羅城旁改河於西南隅而於舊閘內半里許築攔水大壩一道置朱家口於度外似為得策矣但大壩最為弊緊萬一傾圯則新河與舊河之水併瀉入閘勢必不支每歲四月初旬須專委能員撥夫六十餘名量備樁草守之不可忽也

嚴禁閘河口啟閉諸閘之設平江伯陳瑄時殊有深意蓋節宣有度則外河之水不得突入運河之水不得盈漕非惟清河一帶板閘堤岸易守而寶應諸湖亦

緩此一派急流矣故啟閉之法非嚴不可如啟通濟
閘則福清二閘必不可啟啟福興閘則通清二閘必
不可啟河水常平船行自易單日放進雙日放出滿
漕方放放後即閉時將入伏即於通濟閘外填築一
軟壩秋杪方啟其於河道關係非小也

寶應縣西四十里有白馬湖其當湖心而東即所謂八
淺堤也往歲堤決湖水奔溢建瓴而下舟楫過者少
遇西風輒沉溺不可救其決處濶八十餘丈深二丈

五尺而水勢湍急莫可名狀雖不惜費寧能與水角
力哉屢築無功覆轍可監也乃議從湖心淺處先築
西堤一道以捍其外仍於河之南北築壩二道暫令
運舟越湖而行堤壩成則八淺正決瀦水不流可捧
土而塞之矣是築西堤者正所以塞東決也但東決
雖塞西堤必不可棄必須歲加修築仍密植檉柳茭
葦之屬使其能當波浪則東堤不守而自固矣此當
於冬初實應縣管河掌印官料理者也

寶應縣月河自黃浦至三官廟前長二十里水多旁潰入湖是以流緩沙停新開一帶淺阻為梗今加築西土堤一道長三千六百三十五丈以束漕水可省挑濬之費須責役看守栽植茭柳加意培護歲修之工不可緩也

附山寶等州縣水利

天常六合五河虹縣等處山水七十餘澗匯於山陽之洪澤湖清口當其冲若歲遇黃水潰決而南復冲射

直下阻其入海之勢而逼之南奔漕河淺狹不能容
受遂從淮之高良澗周橋楊家廟文華寺等處泛濫
於寶應之白馬湖入甓社湖即高郵城西之珠湖也
又南則為高郵之南湖也江都縣之黃子赤岸諸湖
以上州縣皆受水地方非洩水地方直至瓜儀入江
方為全河尾間來水無窮去水有限瓜儀閘座口面
幾何豈足容淮泗諸湖之水哉前賢熟察形勢一開
涇河一開子嬰河皆由射陽湖入海以疏高寶之上

流復於江都縣邵伯鎮之南鑿開漕堤造金灣三閘
引水徑入芒稻河東南入江造徹底通江閘三座計
六門濶十一丈一疏高寶之下流法至備也而今皆
不能然

山陽縣南去百里之內涇河閘分水直入射陽湖歲久
失修遇水崩決前奉河憲檄督催修理又被侵占盜
種者賄買經承將閘改小假公濟私閘基增高洩水
無多當秋夏水漲又啟不數板開不數日旋築月壩

堅閉經年全無實用此當速改造者也

寶應縣界首鎮之北子嬰雙閘分水直入射陽湖今修建承行者尅減工料椿短灰少閘底石不齊縫不敢全開放少有滲漏損傷隨即填泥下埽歲歲如此亦僅存閘之名耳此當速改造者也

至於射陽湖更有當速濬者數年來居民苦於水患因下流不通紛紛求開海口而海口之在泰州興化鹽城界內者如丁溪場白駒場劉莊場神臺場四口現

開原無阻塞至於山陽境內之廟灣海口亦空濶毫無阻礙而水不趨下者考之傳記詢之士人乃知射陽一湖全然淤壅水不東注根原在此為今之計重濬射陽湖真有不可一日再緩者湖在鹽城西一百四十里西接寶應縣界西北接山陽縣界濶迴三百餘里嘉隆以來河乃大淤萬厯七年重濬水患稍息至崇禎四年淮北蘇家嘴柳浦灣新溝建儀口並決黃流灌注三年水退而射陽湖幾化為平陸矣然湖

形尚在疏鑿不難今約畧大概分為三段其上一段
自寶應鹽城界射陽鎮起至安豐鎮止約二十五里
自安豐鎮至山陽東作地方止約十六七里自東作
至涇口止約五里以上係泥水相雜之工自東作至
鹽城界清溝止約二十里係泥沙旱工此處湖面舊
三十六丈濶今止存三四丈或七八丈耳宜疏濶如
舊自清溝至南馬駱地方約十五六里此處亦宜鑿
之使寬則下流通暢由此入山陽之軋東溝由溝入

濠瀧喻口由口則入廟灣則入於海矣中一段西一段亦皆有入海之路以上決水入海之路

芒稻河閘則天啟六年遂為奸徒占塞蠱惑先年鹽監拆閘改造徑將閘底增高水雖通行勢甚平緩較之舊閘所洩河水曾不及十分之一二閘存實費考芒稻河閘舊名滾水閘先用丈杆試探漕河應存水若干便足行漕再用丈竿試探運鹽河應存水若干尺便足行鹽然後在於芒稻河造閘基址之上打一水

平做造閘底如遇水小則水存留於閘底之下遇水
大則水滾出於閘底之上當日之為行漕運鹽計固
甚詳也今年歲既久漕河之身頗多淤墊至於鹽河
西自灣頭東達如準兩岍高沙猶易頽塞前朝歲有
挑河銀兩皆從鹽引起派今多年不濬則河底淤高
惟閉水行鹽則民田盡沒以當會集司 府 州

道 廳 縣與司河衙門公同踏勘仍用丈竿探水
淺深另打水平即以水平為閘底凡閘外攔河土壩

盡徹之如是而長河水道斷無不通矣

以上決水二入江之路

者之外又有入海直徑之路

開姜家堰六州縣之水雖以廟灣為尾閭而轉折六百餘里方能入海若直走直洩不勞工作必急開姜家堰為至便此閘在鹽城西北離城二十餘里舊有海口自岡門鎮十八里至燈瀛橋從天妃廟下新洋港入海原係洩水故道祇因侵種者營私逐年填塞遂至滴水不通致六邑腴田盡沉水底矣

開石碓海口在鹽城之東南內地高於海數丈宣洩諸水比姜家堰又為直捷該縣惑於風水之說堅築寶填令滴水不通六州縣之水全無出路所以數十年受陸泥之害也

以上二口皆不甚用力水可入海尤當急講也

淮陽七邑水利圖說

七邑
失名

寶應縣南涇河黃浦子嬰三閘其下俱有大河兩旁俱係高坼東水入海遇漕河水發從此直趨射陽湖入

海非若高江地方開閘既不通江又難到海盤旋於民田之間六百餘里為害無窮者比也今子嬰雙閘深濶極為得法涇河黃浦亦宜如子嬰之制立雙閘深濶發水不難直洩矣近來借口通湖水淺查得對閘四堤頗多通湖港口源源而來豈夏淺涸哉

金灣閘通湖近江為漕河洩水捷徑原議八閘十六門今止三閘六門閘下新河原濶四十丈今止挑二十餘丈二者皆宜開通如舊

芒稻河洩水入江最捷二壩止濶十餘丈又閘高於河底今宜另修添一閘三門改底下深五尺則湖水奮迅入江

白塔河洩水與芒稻河同今改築為壩亦宜另開濶底深如芒稻河

運鹽河舊例三年一挑商人照引派夫今定制廢弛河身淤淺不務挑河止欲蓄水遂將芒稻河增設閘板每逢水發開放掣肘此冲漕堰渰民田所由來也誠

申舊制三年一挑則河底日深有水行鹽則河閘可常開矣

串腸河乃七邑洩水入海之路商灶行鹽要津例皆三年一挑今久不挑河底壅高以致七邑出水無路田沉水底其於溪龍開港白駒牛灣河俱洩水要路因串腸河不通亦皆淤塞又海港等河洩水入海今皆淤並宜開復

鹽城舊官河接廣洋入湖積水流入石碇天妃二口但

因上流積水低窪此河淺狹輒易斷流故高寶諸邑
田在水中而此河先已枯竭鹽城阻開二口意實為
此今宜濬深此河至七八尺濶二十丈使高寶之水
盡由此直洩石碇天妃二口而鹽城四十里膏田得
通水路不憂旱涸則開浚二口自不阻撓矣

二口之外到新洋港原自深濶後因二口堵塞以致
潮壅沙淤迨二口開放水到局成自復深廣矣

康熙七年 刑戶二部會同 河漕部院查勘詢問土

人果係出水舊路估動河銀四千八百六十兩開挑
因彼時塞凍開挑未完工中止

運河第五節起鎮江府京口閘通常州蘇州松江及浙

江運道 職官

江南蘇松常鎮督糧道

浙江督糧道

州縣

鎮江府丹徒縣 水利通判

丹徒縣知縣 水利典史

丹陽縣知縣 水利典史

丹徒丹陽二縣運河例應十年大挑五年小挑三年
撈浚復因乾旱湖汛不通漕船淺阻有不滿年分詳
挑之議

常州府武進縣 水利通判

武進縣知縣 水利主簿

無錫縣知縣 水利主簿

常州府並無阻滯漕船並無額夫及動用錢糧

蘇州府

吳縣
長州縣

水利通判

吳縣知縣

水利典史

長州縣知縣

水利典史

吳江縣知縣

水利典史

浙江嘉興府

嘉興縣

秀水縣

桐鄉縣

崇德即石門縣

德清縣

浙江杭州府

錢塘縣

仁和縣

以上各縣知縣各縣管河官

運河五節河 湖 閘

京口閘南行丹徒丹陽等處原無水源借江為源潮長則開京口閘以放舟潮退則下板以蓄水

鎮江府南四十五里丹徒鎮減水閘設以減運河之水然亢旱之時每日潮長入漕亦可濟運潮退岸之亦

燃眉之小濟也

丹陽小夾岡大夾岡係鑿山通道雨水淋漓易致壅淤其每患淺溢者黃泥壩呂城閘尹公橋等處但宜每歲打壩挑濬

丹陽西北開家湖 練湖

丹陽迤北運渠借江潮通運潮大則盈潮小則涸惟有練湖一區可以引導但亦無泉源夏秋淫雨聚會成湖遇亢旱漕涸湖亦乾矣湖水入漕勢皆東流於漕

渠無益矣

鎮江府至丹陽九十里

丹陽縣南七里橋金壇河溧陽高淳等處水由此河出
可以濟運

丹陽縣南犇牛閘 巡檢司 為丹陽縣武進縣通江
潮作木閘蓄水 柵口陵口淺

丹陽縣南沙子湖運河

武進縣北江陰河東倉橋一帶每歲撈濬

丹陽縣至常州府武進縣九十五里

高橋巡檢司宜興縣九里河之水出濟運道宜溧糧船
由此河出

常州府至無錫縣九十里錫山驛前淺

無錫縣錫山驛望亭巡檢司為武進常州二縣之界
無錫縣至蘇州府九十里

許墅鈔關 許墅關分 部差

許墅鈔關南花園村橋東風橋

蘇州府東南馬路橋常屬運糧由此河

蘇州府渡僧橋若偶遇水淺由石橋進至花園村楓橋
出入運河

永寧橋南通沙湖崑山太倉嘉定糧船由此河

夾浦橋係吳松江並三湖十八蕩其流會出水勢犇騰
橋故屢建屢坍今設官渡船

夾浦橋外為黃天蕩金鷄堰諸水

蘇州府至吳江縣四十一里 吳江縣臨洞庭山太湖

松陸驛 自三里橋至驛前甚淺

吳江縣至平望驛四十五里

平望驛前甚淺每年加工疏濬松江府及浙江各府
運舟由此出

平望驛至浙江嘉興府秀水縣四十五里

苕霅二水成河湖州府糧運由此河出平望驛至蘇
州

金橋鋪通嘉善縣支河及平湖縣支河

嘉興府北青山巡檢司 青山第一閘 青山第二閘

青山第三閘

嘉興府通海鹽支河

石門鎮 秀水縣桐鄉縣界

嘉興府至崇德縣九十里

崇德縣河道遶城約長二千六百餘丈人煙湊集瓦礫拋擲易於壅淤每加撈濬

崇德縣南彭城橋約四百五十餘丈每患淺澁宜歲加

工疏濬

崇德縣至塘樓鎮四十五里

官塘路 崇德縣德清縣界

塘樓鎮至北新關四十五里

杭州分司至杭州府十里

浙江省運河之水發源於天目山出臨安餘杭經德清
海寧崇德桐鄉秀水嘉興以達於江南吳江縣或遇
亢旱宜時加挑濬

浙江運河止用鄉夫挑濬並無額夫及動用錢糧

附漕河鮮船非時啟閉進閘

總漕都御史潘 疏稱清江福興新莊等閘俱要以時

啟閘不得開放無度以致泥沙灌入有碍運道每當

至六月初旬運舟馬船

即鮮船

過盡伏水將發即於通

濟閘外暫築土壩以遏橫流一應官民船隻俱暫行

盤壩出入至九月初旬開又題鮳魚鮮船定限五月

初發行定限過淮楊梅等船定從便將南京馬快空

船於未築壩之先預撥過淮停泊壩外以俟船剝則上貢既無後時之虞國計有先事之備矣

衛河

衛河至山東臨清州始入運河不係運道今詳於後

衛河州縣河夫役 附淇水沁水

南河管河道轄

河南衛輝府 衛輝府通判所屬 輝新汲獲淇五縣

輝縣知縣 管河主簿

衛河自朔刀泉起至柳鄉縣合河止長三十里有留
修衛河人夫按季疏濬

自朔刀泉起仁義禮智信五閘春夏閉塞運完聽從
民便

衛河自新鄉縣起至汲縣界止長六十里有留修人
夫按季疏濬

汲縣知縣 管河縣丞

衛河自汲縣界起至直隸大名府濬縣雙鵝頭止長

一百四十五里

直隸大名道轄

大名府濬縣知縣 管河官 以後并無額設夫役

衛河自雙鵝頭起至五隆固止長一百七十五里

河南管河道轄

河南彰德府湯陰縣知縣 管河典史

衛河自濬縣老鶴嘴起至北固城村九十里入直隸

內黃縣界止

直隸大名道轄

直隸滑縣知縣 管河官

衛河北自灘口起至韓西口止長九里

內黃縣知縣 管河官

衛河自草坡村起至張兒莊止長一百二十五里

大名縣知縣 管河官

衛河自張兒莊起至曹家道口止長九十六里

大名府管河通判

元城縣知縣 管河主簿

衛河自趙家店起至善樂當止長七十三里

衛河至臨清州入運河

河南管河道轄

衛輝府淇縣知縣 管河縣丞

淇水入衛河

懷慶府管河通判

河內縣知縣 管河縣丞

大丹湖由山西至本縣石斗門下入小舟河抵武陟縣界長四十九里

沁河衛遶城郭遇水勢漲發迎溜處有石堤並土堤共六里半有公直二名堡夫六名分汛管守沁河湍悍渾濁亞於黃河去衛河不過六十里恐其入漕為害導至武陟縣入黃河

武陟縣知縣 管河縣丞

沁河自本境入黃河設堡夫四十名

修武縣知縣 管河縣丞

小丹河自武陟縣來東至獲嘉縣界止長四十里

彰德府獲嘉縣知縣 管河縣丞

小丹河自宋橋起至三橋坡止長四十五里

膠萊河論

杜志攀原撰

膠萊運河入有二處舊曰石落港新曰丁家工元人從石落港入者借大沽河水導之而南又借海潮之水還之而北水勢浹洽負舟有力無乃大沽河駛流淤

沙填港石落港青石峻峭磕舟惟是司空劉公把浪
廟前開丁家工借海潮逆入二十里至陳家閘避沽
且避沙洶稱寧波焉大約河面以六丈濶為度底以
四丈寬為度水以五尺深為度故石稱銖計備列於
左

丁家工河面底如式無水宜濬六尺深河自東南來凡
歷二十里忽折而北流至陳家村閘

陳家村閘廢基存河面河底俱過式水深二尺宜濬四

尺深河自此如曲尺形折而西行泊口水王家村水
陸家村水都泊水周家口水自南來入河泊口水劉
家村水杜家村水八岔溝水袁家口水尹家口水蕭
家村水三元廟水小沽河自北來入河小沽河口宜
建水門凡歷三十里始至吳家口閘平度界也

吳家口閘廢基存河面河底俱過式水深一尺凡歷二
十里始至談家村宜疏五尺深談家村歷十里至分
水嶺河面河底俱過式無水宜濬六尺深劉家村水

孫家口水孫家莊水程家口水談家莊水朱家莊水
泊水張家溝水自南來入河馬家村水賈家溝水泊
口水劉家莊水白沙河水自北來入河嶺西下九尺
許至窩鋪閘分水嶺形如龜背純土非石白沙河從
北而來南穿河之左腋入河河自此東西分流船自
麻灣口到嶺當是逆流而上自嶺到海倉當又順流
而下司里來膠河議謂高於南北海者六尺崔白東
海運編云高南北海三十丈全河之工惟此處大費

調停宜用保壻法促其閘以蓄之嶺東談家村須添閘與窩鋪相望可也

窩鋪閘留八分河面過式河底僅丈餘水深一尺宜修五尺深張魯河下名船路溝水宜作水門闕王廟水劉家溝水膠口水泊口水祭溝水紙張口水泊水岔水自南來入河硝場河水萬家口水泊口水峪口水泊水牟家君水亭口水自北來入河凡歷二十五里始至亭口閘河身至此自東折而西北行

亭口閘尚餘強半河面過式河底僅二丈水深一尺宜
修五尺深泊口水楚家莊水泊口水王家莊水王家
溝水泊溝水雙黃溝水泊口水自南來入河董家莊
水對泉溝水鯉魚泉水泊口水周家莊水山莊溝水
梨園溝水程家溝水金家莊水自北來入河凡厯三
十里始至周家閘

周家閘閘廢基存河面過式河底僅丈餘水深二尺宜
修四尺白塔溝水泊口水李家莊水曹家溝水袁家

集水楚莊水黃泥泉水自南來入河泊口水勒岔溝
水泊口水溫家口水自北來入河凡歷三十里始至
玉皇廟閘

玉皇閘閘廢基存河面河底俱過式水深二尺宜疏四
尺河身至此又西北行劉家溝水石橋溝水自西來
入河飲牛溝水王和溝水胡家溝水東坡溝水孫家
村水泊口水自東來入河凡歷三十里始至楊家園
閘

楊家園閘廢基存河身至此又折而正北行河面河底俱過式水深四尺宜修五尺張家莊水劉家莊水馬家村水媒河水自西來入河李家村水郝家溝水城子河水高望山來家河水塔而溝水自東來入河凡歷三十里始至新河閘

新河閘什存其七河面河底俱過式水深五六尺不等宜修一丈梭箭溝水自西來入河董莊泊水苗兒溝泊水姚家溝水泊口二水自東來入河凡歷二十五

里始至姚家莊河身至此折而西行是世所傳海倉
沙嶺閘舟梗運者也海倉三老迎曰塗飭好事者淘
沙移之河岸潮風迅掃岍沙歸河遂相傳曰此沙龜
也日修夜長信若斯言亘古迄今則沙與泰岳爭高
矣每歲七八月間天津糴船艤新河岍河水三分借
潮七分乘潮出入直達大洋沙乃為崇耶凡歷三十
里至海倉龍王昭顯廟元人重修碑云三日出河風
帆順利咸神之庥修河人阿都溫運糧萬戶某千戶

某某等茲又沙不為崇之驗乎河身至此又折而北
行又二里共前三十里至海倉閘

海倉閘閘廢基存河面河底俱過式潮退水深三尺司
李來謂宜移閘於姚家莊此不易之論也窩落水自
東來入河旋河水自西來入河又東北七里曰蛤蜊
廠岬高一丈二尺水深七尺又東北七里曰斗溝口
岬高八九尺不等水深五尺俱宜灣船又東北十五
里水深八九尺不等凡歷二十七里河入海

總計河身二百八十六里溯自口南窮至口北大約司
李來云建閘以蓄水乘潮以避沙兩言而全河之功
括盡無遺矣

膠萊河自江南達天津取途甚捷古人有行之者近時
勘議如河防一覽等書皆云難行恐出一時意見不
同如洳河之初云難行至萬厯三十年總河李 改
避性義嶺而南遂為漕河三百餘里永利事之不可
執一如此此卷係西秦杜樵南編次頗為詳備附錄

以備參考

海運纂要

淮安海運福建海運

運河通利而海運之險誠可以已然

國朝奉天等處距海甚近且海運所經登州至旅順僅
一大程附錄以備採擇

海運

史稱唐由海道轉東吳粳稻以及燕京此海運之始

元世祖至元十九年十二月始海運其初朝廷糧運仰給江南者一自浙西涉江入淮由黃河逆流至中轅陸運至淇門入運河達京師一自膠萊河入海勞費無成伯顏平宋用朱清張瑄等言造平底船六十艘運江南糧四萬六千餘石由海道入京時創行海洋沿山求嶼風信失時逾年始至朝廷未知其利二十年復由海運

成宗大德五年畿內歲饑增海運為一百二十萬石八

年又增海運為一百四十五萬石

武宗至大四年增海運至三百萬石

明洪武三十年海運糧七十萬石給遼東軍餉

永樂初年海運七十萬石至北京十三年會通河成方
罷海運

邱濬曰考元史食貨誌論海運云民無輓輸之勞國有
儲蓄之富以為一代良法又云海運視漕河之數所
得蓋多作元史者皆習見海運之利所言非無徵者

竊以為自古漕運所從之道有三曰陸曰河曰海河
運視陸運之費十省三四海運視陸運之費十省七
八蓋河漕雖免陸行而用人牽輓如故海運雖有漂
溺之患而省牽拽之勞較其利害蓋相當今漕河通
利歲運充積故無資於海運也然善謀國者恒於未
事之先而為意外之虞今於國家無事之時尋元運
故道別通海運一路與漕河並行使人習知海道以
防漕渠阻滯是亦思患預防之先計也

海道

海運自淮安而東引登萊泊天津中多島嶼可以避風
又且高而多石故北海地淺取其廣遠以致速為此
標記島嶼以避其險

計程限

第一程淮安府開船至八套口共計三百餘里係河
道為一大程

第二程自八套口至鶯遊山約二百四十里用東南

風一日為一大程如風不便九十里可投五丈河
又西北一百餘里可投狹口灣泊可容船五百餘
隻

第三程鶯遊山起東北遠望琅琊山前投齋堂島灣
泊約四百里用西南風一日可到為一大程島西
向泥灘三里可容船百餘隻如船多島東北三十
里有龍口可泊船二百餘隻中間所過水面東北
島落口約一百九十里可容船十餘隻又至夾倉

口二十里可容船二十隻迴避望海石又東至石
田海口三十里可容船六七隻迴避石臼欄胡家
欄曲伏桃花欄又東至龍王口四十里可容船三
十隻迴避黃石欄又東至龍潭二十里可容船百
餘隻又東至木瓜島二十里迴避胡家山以上堪
泊五處迴避七處俱用西南風避西北風其餘滴
水口沙灣口二處係西南徑過僻路遇急亦可泊
舟

第四程自齋堂島等處開船正東由膠州靈山島東北遠望勞山前投福島灣泊共約二百餘里用西南順風半日可到為一大程此島方圓二十里西南有泥灘二里半可泊船六七十隻如船多島西五十里董家灣濶大可泊船三百餘隻中間所過水面回古鎮海口可容船三百餘隻在東北四十里迴避海子嘴又東至靈山島五十里西南嘴可容船二十隻迴避東北正北風島東北鼓樓圈容

船十餘隻迴避正北西北風此處雖可容船不宜
久住有東北至唐島六十里可泊二百餘隻避東
北正北風迴避露明石又東至小清島五十里可
容船三十隻避正北東北風又東董家灣六十里
迴避捉馬嘴以上堪泊五處迴避三處俱用西南
風避西北風正北風東北風

第五程自福島開船東二里迴避老君石遠望田橫
島約一百五十里用西南順風半日可到島方圓

三十里可容船二百餘隻如船多島東北十里有
濶落灣容船二百餘隻中間所過水面東北由小
營島六十里可容船十餘隻係背路遇急亦可泊
船

第六程自田橫島由青黃島遠望槎山前投玄真島
灣泊約四百餘里用西南順風一日可到島西長
五里遇北風泊南面遇東風泊北面可容船百餘
隻東北岬下水底三孤石旁多隱石該迴避如船

多島迤西五里朱家園可容船百餘隻又西五里
宋家園與草島前可容船五六十隻中間所過水
面東二十里濶落灣容二百餘隻又東至楊家溝
三十里可容船三十餘隻又東至十里迴避劉家
嶺又東至草島嘴可容船三十餘隻又東至十里
迴避劉家嶺又東至草島嘴三十里可容船五六
十隻又東至青島三十里西園可容船十餘隻又
東至黃島三十里西南灘可容船十餘隻又東北

至宮家島三十里可容船三四十隻又東徑過蘇
島王室玄真島朱家等圈一百五十里迴避朱家
圈西柳鋪與沙嘴玄真島西嘴與島東岬三孤石
以上灣泊六處迴避五處其餘行村寨馬公島與
河家馬頭乳山寨上港口及靖海衛北張濛島皆
是背路遇急亦可泊舟迴避靖海排權石裏島娘
娘廟嘴

第七程自玄真島開船稍放洋行東轉杵島嘴北過

城山頭西北望威海山頭投劉家島灣泊一百四十餘里用南風為順風一日可到容船六七十隻如船多島迤西十里威海東門口教場頭塢島口可容船三四百隻中間所過水面東至鎮鄒島西頭季家圈三十餘里可容船三四十隻避東北東南風南三里迴避樊石又東三里鹿島可容船一二十隻避北風與東風又東七八里迴避凹屋港又東十五里迴避黑石島又北十餘里迴避楊家

墳又北二里迴避鵝狼鳴石又西北四十餘里養
魚池可容船二百餘隻避東風與東北風又東北
二十里餘黃埠嘴可容船二百隻避東北與北風
又東南一里迴避成山頭又東七八里迴避殿東
頭此二處稍險須放洋遠避過此轉西三十餘里
駱駝口圈裏東岬下可容船七八十隻避東北風
又西三里李叢嘴可容船二三十隻避西北風又
西十五里柳柰海口可容船五六十隻避西北東

北風西七八里迴避東鷄嘴島與鵝鳴相連水底
礁石又西直至劉公島一百里迴避島東南礁石
嘴又西七里黃泥崖可容船二三十隻又西六七
里沙嘴兒可容船二三十隻俱避東北正北風又
西二里小黃島口可容船三十隻避四面風又西
十里衛東面口教場頭塢口灣船四百隻避西北
風以上泊船十處迴避十處其餘寧津所西北箇
山海口尋山所西南青魚灘家雞汪皆是背路如

急亦可泊船

第八程自劉公島開船西北十餘里迴避王家嘴又西十餘里迴避靖子嘴又西十餘里迴避小杵島遶遶嘴西南遠望芝罘島灣共約二百餘里用東風東北風為順風一日可到島東西長二十里東頭迴避勝子嘴又西大口婆婆口可容船百餘隻避東北西北風又西二里迴避宅巢如船多島迤東三十餘里崆峒島前可容船二三十隻迴避東

南沙港又北三里夾島可容六七十隻避北風中
間所過水面迤西一百四十里養馬島東柄上老
雅港可容船三四十隻避西北風又島西頭迴避
煉石嘴又轉島龍王廟前可容船二三百隻避西
北東北正北風又西北五十里係崆峒島又西三
十里係芝莫島以上堪泊四處迴避六處

第九程自芝莫島開船西六十里過龍洞直西遠望
長山島西投沙門島灣泊共約一百八十里用東

南風一日可到島東南汪周圍二十里可容船百
餘隻避西北正北東北風如船多島迤闊六十里
新河海口可容船五六十隻口外不宜住船口內
避四面風中間所過水面西六十里八角嘴可容
船六七十隻避西北正北風又西五里迴避龍洞
嘴又西正十里迴避四石又一二里入劉家汪海
口可容船百餘隻避四面風又西二十里迴避灣
子口東北沙港又西二十里迴避抹直口金嘴礁

石又西三里入新河海口迴避觀音嘴石西北四十里迴避長山島東南嘴沙港又西十里係沙門島以上灣泊三處迴避六處

第十程自沙門島開船西南遠望三山島約二百餘里用東風為順風半日可到島南面黑港可容船三四十隻避北風中間所過水面南三十里迴避大石欄又西六十里桑島前面可容船五六十隻避東北西北正北風迴避島東北二處礁石又西

四十里岬岬島迴避島東西北三處礁石島南宋
港可容船四五十隻又西四十五里迴避羊欄礁
石又西十五里係三山島以上灣泊二處迴避四
處

第十一程自三山島開船過芙蓉島直西投大清河
口灣泊共約四百餘里用東風與東北風為順風
一日可到容船五百餘隻避北風東北風中間所
過水面五十餘里芙蓉島迴避東沙港轉西南面

可容船四五十隻避東北風又西五十里迴避海
倉口樁木閘石又西一百一十里係洱河口外有
沙嶺船難進又西四十餘里係小清河口船難進
以上灣泊二處迴避三處還有三處小河不堪泊
船

第十二程自大清河開船投大溝河約一百六十餘
里用西南風一日可到容船一百餘隻如風不便
六十里投涪水可容船二百餘隻又至大沙河三

十里可容船一百五十隻稍北岬有沙岡當迴避
以上泊船三處迴避一處

第十三程自大溝河開船投火沽河灣泊約二百餘
里可容船二百隻如風不便七十里投乞溝河容
船二百餘隻俱無迴避其桑句河窄小不堪船泊
共以上自淮安府起至張家灣止共計水程三千四
百五十里


計福建海道程限

福建布政司水波門船廠要水手船護送其神仙壁
碧水屋山島有賊開洋至三岔河口一二日至古
山寺送香燭防東南颶作潮過平息至望鎮港娘
娘廟前一日至長樂港口一日至民遠鎮巡檢司
一日總埠頭港一日至福左等衛要水手送一日
至五虎廟燒福一日至五虎門開洋望東北行正
東便是裡衣山正北是定海千戶所東南是福清
縣鹽場一日至王家峪海島泊一日至高山巡檢

司西洋山口泊一日至福寧縣幫娘娘廟前泊一
日至金鄉衛要水手送一日松門衛一日至温州
平陽縣平陽巡檢司海門至鳳凰山銅盆山防東
南颶作晚收中界山泊一日至盤石衛見霧在中
界山正北島待南風行晚收北門千戶所要捕魚
小列船送待南風行過利洋鷄籠山候潮至松門
港松門衛東港泊候潮至台州海門衛東洋山泊
離温州望北行到桃青十戶所聖門口泊開洋至

大佛頭山屏風山至健跳千戶所長亭巡檢司要
水手魚船送又至羅漢堂山到石浦千戶所東關
泊要水手送至定海衛始換金鄉盤石水手送離
石浦港石門過銅瓦山後洋半邊山黨公爵溪千
戶所望北行至青門山亂石礁洋至前倉千戶所
雙躋港騎頭巡檢司過至大松千戶所家門山招
寶山進定海港定海衛南門要稍水船送燒總福
開洋望北行至遮口山黃公洋列港千戶所海寧

衛東山望北行若至茶山低了金山衛東海灘松
江府上寧縣海套水淺望東南行晚泊船候潮過
洋山大七山小七山太倉寶塔望東北行



兩河清彙卷四

欽定四庫全書

史部

兩河清彙卷五

六

詳校官監察御史臣王爾烈

刑部郎中臣許兆椿覆勘

總校官降調編修臣倉聖脉

校對官編修臣閔惇大

謄錄監生臣閔榮清

欽定四庫全書

兩河清彙卷五

益都薛鳳祚撰

黃河

黃河源

漢張騫使西域唐薛元鼎使吐蕃皆求河源得其概畧
然其時外國未盡臣服不能直抵其處而究其極也
元有天下薄海內外人迹所及皆直驛傳驛使往來

如行國中至元十七年命都實為招討使佩金虎符
往求河源都實受命至河洲之東六十里寧河驛西
南六十里有山曰殺馬關林麓窮隘舉足浸高行一
日至嶺舉足愈高四閱月始抵河源是冬還並圖其
域傳位置以聞其後翰林學士潘昂霄得其說撰為
河源誌臨川朱思本又得帝師所藏梵字圖書而以
華言譯之二家互有詳畧今取二家之書考定其說
吐蕃朵甘思西鄙有泉百餘泓沮洳渙散弗可逼視方

濶七八十里履高山下望燦若列星以故名火敦腦
兒譯言星宿海也

河源在中州西南直四川馬湖蠻部之正西三千餘里
雲南麗江宣撫司之西北一千五百餘里帝師撒思
加地之西南二千餘里

群流奔轅近五七里匯二巨澤名阿刺腦兒自西而東
連屬吞噬行一日迤邐東駕成川名赤賓河

人行二三日水西南來名赤里出入與赤賓河合

人三四日水南來名忽蘭河東南來名也里朮水與赤
賓河合忽蘭河源出自南山其地大山峻嶺綿亘千
里水流五百餘里注也里朮河也里朮河亦出自南
山西北流五百餘里入黃河其流浸大始名黃河然
水猶淺人可涉

又一二日岐為八九段名也終幹倫譯言九渡通廣五
七里可渡馬又四五日水渾濁土人抱革囊騎過聚
落糾木幹象舟傳髦革以濟僅容兩人自是兩山夾

東廣濶一里二里半里其深叵測

自渾河東北二百餘里與懷裏火禿河合

禿河源出西北偏西八百餘里入黃河

又東北流一百餘里過麻哈地又正北流一百餘里乃折而西北流二百餘里又折而正北流一百餘里又折而東流過崑崙山下番名亦耳麻不刺其山

崑崙山高峻非常腹及頂皆雪冬夏不消山麓綿亘五百餘里河隨山足東流

河行崑崙南半日又四五日至地名濶及濶提濶及濶提二地相屬與亦西八思今河合

思今源出鐵豹嶺北正北流五百餘里入黃河又三日地名哈刺別里赤兒四達之衝也多寇盜有官兵鎮之近北三日河水過之

崑崙以西人簡少多出山南山皆不穹峻水益散漫其山東益高地漸下岍至狹隘有狐可一躍而過之處行五六日有水西南來名細隣哈刺

譯言細黃河自白狗嶺之北流五百餘里入黃河

又兩日水南來名乞兒馬出二水合流入河

乞兒馬出源出威茂州之西岷山之北水北流即古當
州境正北流四百餘里折而西北流又五百餘里入
黃河

黃河自乞兒馬出河與黃河合之後又西北流與鵬梭
河合

鵬梭源出鵬梭山西北正北流七百餘里入黃河

折而西北流三百餘里又折而東北流過西寧州貴德州馬嶺凡八百餘里與邈水合

邈水源自唐宿軍谷正北流五百餘里過三巴站入黃河

歸德州地名必赤里始有州治官府隸吐蕃等處宣慰司州

又東北流過土橋站古積石州來羌縣城廓州構米站界都城凡五百餘里過河州與野龐河合

野龐源自西傾山之北東北流五百餘里入黃河

河自發源至漢地南北澗溪細流旁貫莫知紀極山皆
草石至積石方林木暢盛世言河九曲彼地有三曲
又東北流一百餘里過蹠白城銀川站與湟水浩疊河
合

湟水源自祁連山東北流一千餘里入浩疊河

浩疊河源自刪丹州之南刪丹州東南流七百餘里
入湟水二水合入黃河

入東北一百餘里與洮河合

洮河源出草撒嶺東北流過臨洮府凡八百餘里入

黃河

北流過蒙古地八百餘里過豐州西受降城

折而正東流過蒙古地古天德軍中受降城東受降城
凡七百餘里

折而正南流過大同路雲內州東勝州與黑河合

黑河自魚陽嶺之南西流五百餘里入黃河

正南流過保德州葭州及興州境又過臨州凡一千餘里與吃那河合

吃那河源自古當州東南流過陝西綏德凡七百里入黃河

又南流三百里與延安河合

延安源自陝西蘆子關亂山中南流三百餘里過延安府折而正東流三百里入黃河

又南流三百里與汾河合

汾河源自河東朔武州之南亂山中西南流過營州
冀寧路汾州霍州晉寧路絳州又西流至龍門凡一
千二百餘里入黃河

又南流二百里過河中府過潼關與渭河合

渭河出西傾山東流一千五百里入黃河

潼關與太行大山綿亘水勢不可復南乃折而東流

河源東北流所歷皆西蕃地至蘭州凡四千五百餘里
始入中國又東北流過蒙古地凡二千五百餘里始

入河東境內又南流至河中一千八百餘里通計九千餘里始東流平地

黃河出星宿海行九千餘里至潼關始出大山落平地又東南二千餘里而歸海合一萬二千餘里之間千溪萬派澎湃湍激難可名狀今分南岍北岍以別之觀者可易覽云

黃河總部職官 州縣及河官另載於州縣之下

總督河道部堂兼都御史節制五省駐劄濟寧

河南分巡通省河道駐劄省城

所屬開封歸德彰德衛輝懷慶河南南陽汝寧八府汝

州一州

開封府管南河同知駐劄荊隆口

管河南岸滎澤鄭州原武陽武中牟祥符陳留蘭陽儀

封九州縣四百八十三里半

開封府管北河同知駐劄陳橋鎮

管河北岍武陟縣界起滎澤原武陽武封丘祥符陳留

蘭陽儀封八縣至山東曹縣界止共三百一十里
歸德府河捕通判駐劄本府

管河南北兩岸南自儀封堤界起經考城商丘虞城三
縣至江南碭山堤界止共一百五十六里北自儀封
堤界起經考城芝蔴莊王家道口劉通集至山東曹
縣堤界止長三十里

山東分巡濟寧道駐劄濟寧

所屬黃河上自曹縣界起下經單縣至碭山界

管理黃河兗州府總捕同知駐劄曹縣

轄曹單二縣管河北岍西起河南考城界入曹縣經單縣東至江南山陽縣止長二百里

中河分司部差三年一代駐劄呂梁

所屬黃河自山東單縣起至江南安東縣新開河五港口止

淮徐道駐劄徐州

轄徐靈邳宿睢桃蕭沛豐碭十州縣

淮安府徐屬河務同知駐劄徐州

轄豐沛蕭碭徐州

分汛南岸自徐州界起至靈壁界止長一百一十里
北岸自單縣界起下至徐州七里溝止長二百七十五里
淮安府邳宿河務同知駐劄邳州

轄靈壁睢寧邳州

分汛南岸上自徐州界起歷靈壁睢寧至宿遷界共
一百二十九里北岸上自半山寺起下至直河鎮止長

六十里其內運沔河上自黃林莊起下至宿遷窑灣
止長一百二十里

淮安府宿桃管河同知管南岨

轄宿遷桃源縣

分汛黃河南岸上自邳州界起下至清河界止歷宿
桃二縣共二百零五里

淮安府管桃山清北岨同知駐劄

轄宿遷桃源清河山陽

分汛北岬上自直河鎮起下至桃源縣止共一百二十里其內順濟河上接邳州界下至駱馬湖口止共七十里

添設淮安府歸仁堤同知駐劄歸仁

淮揚道駐劄揚州

轄黃河山陽清河安東三縣

淮安府山清河務同知駐劄淮安府

分汛上自清河縣黃河下至新河周門海口止其運河

上自清河縣李家淺起至寶應縣黃浦止共三百一

十里

添設淮安府清安同知駐劄安東縣

添設淮安府高堰同知駐劄

黃河南嶺

南嶺過潼關經河南河南府閿鄉縣靈寶縣澗水自南

來入河

陝州

北嶺濟源縣

經峽石關

三門七津

澠池縣河中抵柱

北嶺孟縣 湮

水南來入河

河南府北邙山至孟津縣

北邙懷慶府河內縣

舊孟津巡檢司

偃師縣洛河伊河自南來入河

洛水出陝西冢嶺山伊水出陝西熊耳山相合入黃河

黑石關至鞏縣

北邙溫縣

東北池等三水並流入河

河北武陟縣

河南管河道轄

開封府南河同知駐劄本府荊隆口

管黃河南岍榮澤鄭州原武陽武中牟祥符陳留蘭陽

儀封九州縣

開封府榮澤縣

北岍獲
嘉縣

榮澤縣知縣 管河主簿

黃河南岍防河長堤西自本縣小院村起經梨園村蘓
家莊楊家嘴郝村東至鄭州堤界止長一十二里堡
房十一座鄉堡夫二十二名

南岍逼近省城最為喫緊如榮澤之小院村孫家渡中

牟縣之黃煉集祥符縣之瓦子坡槐疙疸劉默醫口
陶家店張家灣時和驛兔伯埧埽頭集陳留縣之王
家樓蘭陽縣之趙皮寨儀封縣之李景高口普家營
商丘縣之楊先口俱為要害

正統十三年河決張家渡全河從此南徙弘治二年河
復決累開累塞萬歷十八年增築遙堤一道長五百
八十六丈

鄭州

北岍西北新鄉縣

原武縣北岍東北陽武縣

小陳橋判官村

黃煉集 施家寨

鄭州知州 管河判官

黃河南岸長堤西自滎澤界起經本州小陳橋東至原武界止長一里半無額設堡夫堡房三坐

原武縣縣治在河北職官見北岸

黃河南岸長堤西自鄭州界起經本縣馬家渡小陳橋判官村東至陽武堤界止長四十里鄉堡夫四十名堡房二十座

黃煉集一帶止有單堤一道尤恐不支萬歷十八年增築遙堤一道長六百丈

陽武縣縣治在河北職官見北岍

黃河南岍長堤西自原武堤界起經本縣申家莊穆家莊東至中牟縣堤界止長十八里鄉堡夫十八名堡

房九座

中牟縣

北岍東北陽武縣北岍西北原武縣

槐疙疸

青孤堆

李仲英

寨

陶家店

時和驛

中牟縣知縣 管河縣丞

黃河南岍長堤西自陽武界起經本縣小渾溪新莊原
墩寺朱姑村東至祥符界止長三十八里鄉堡夫四
十八名堡房十九座

劉獸醫口埽壩逼臨河濱水漲則上勢必難守萬歷十
七年築遙堤一道長二千七百三十二丈每歲守月
遙二堤縱漫漫壩亦可無虞

陶家口洪武二十四年河決陽武縣由陳穎入灌陶家

口係險要處所宜壩埽正當直射萬歷十八年增築
遙堤一道長一千八百七十一丈

張家灣時和驛逼近省城冲刷甚急慮恐堤岸難守

萬歷十八年增築遙堤一道長一千五百丈

開封府祥符縣

河北岸西北封丘縣河北岸東北直隸東明縣

兔伯岡

祥符縣知縣 管河縣丞

黃河南岸長堤西自中年堤界起經本縣瓦子坡劉
獸醫口平城店張家灣黃金壩董盆寺埽頭集東至

陳留堤界止長一百七十三里徭堡夫一百七十三名鄉堡夫八名堡房八十六座

免伯埝至埽頭一帶止有單堤一道尤恐冲潰黃水奔走鳳泗與李景高口為患相同萬歷十八年增築遙堤一道長二千九百三十丈

隆慶六年所築縷堤自祥符縣起至直隸碭山縣止崇禎十六年流賊李自成決黃河開封府潦沒明宗室士民及田廬一空

陳留縣

北岸西北封丘縣北岸東北直隸東明縣

李家樓

陳留縣知縣

管河縣丞

黃河南岸長堤西自祥符堤界起經本縣胡家堂東至蘭陽堤界止長十八里鄉堡夫二十四名堡房十

二座

蘭陽縣

北岸西北封丘縣東北東明縣

七村

趙皮寨

李景高

普家營

蘭陽縣知縣

管河縣丞

黃河南岍長堤西自陳留界起經本縣七村堤東至
儀封堤界止長七十八里鄉堡夫二十五名徭編夫
十五名堡房二十座

嘉靖七年開趙皮寨白河一帶分殺水勢

嘉靖十三年河復決趙皮寨入淮水色忽白夏邑縣
泰丘回村等集冲數口轉行東北流經蕭縣仍出徐
州小浮橋下濟二洪

嘉靖十九年河決野鷄岡由渦河入淮二洪告涸開濬

李景高口支河引水出徐州濟洪閘二年亦淤

萬曆十七年河決李景高口冲葛月堤入睢陳故道尋
即塞之十八年自趙皮寨起至本口叔築遙堤一道
長二千三百五十九丈

儀封縣

北岫東北直隸東明
縣北岫西北封丘縣

石家樓 王家寨

儀封縣知縣 管河主簿

黃河南岫長堤西自蘭陽堤界起經本縣薛家口時家
樓東至考城堤界止長九十六里堤夫六十六名堡

房三十三座

儀封縣東北護城堤起至石家樓止長五十八里

歸德府河捕通判

管黃河南岍北岍考城商丘虞城三縣防河長堤二道南岍一百五十六里北堤見北岍

王家集起至考城縣護城堤一十七里二百四十步

考城縣

北岍東北兗州府曹縣北岍西北直隸東明縣

考城縣知縣 管河主簿

黃河南岍長堤西自儀封界起經本縣顏家集東至
商丘堤界止長六十里堤夫六十名招選附近居民
無工食亦無課程

歸德府商丘縣

北岸東北兗州府曹縣
北岸西北直隸東明縣

梁靖口 新

集 丁家道口 楊先口 劉家口 馬牧集 丁

家道口為賈魯河故道

歸德府商丘縣知縣 管河主簿

黃河南岍長堤西自考城界起經本縣蘓家林蔚家

堂夏家樓東至虞城堤界止長四十二里額夫四十
二名堡房十八座

黃河故道自丁家道口由馬牧集趙家圈薊關出徐
州勢若建瓴上下順利嘉靖三十六年北徙一變而
為溜溝再變為濁河又變為秦溝今由胡佃溝北陳
後出濁河經行陸地漫散不能深刷成渠來流艱阻
奔潰河南山東徐邳受害不免

虞城縣

北岸東北山東
兗州府城武縣

黃堽口

虞城縣知縣 管河主簿

黃河南岸長堤西自商丘界起經本縣劉家口羅家口東至碭山界止長五十四里堤夫額內抽二十七名分為五十四名守堤堡房二十七座

中河分司駐劄呂梁

淮徐道兼轄

淮安府徐屬河務同知 轄徐州豐沛蕭碭

江南碭山縣

北岸魚臺縣東北豐縣北岸西北單縣

趙家圈 徐溪口

碭山縣知縣 管河主簿

黃河上自虞單縣界起下至豐蕭縣界止縷堤一道
長六十里額設夫一百名

河北岸單縣南岍虞城

隆慶六年自河南祥符縣起創築縷堤至直隸碭山
縣止碭山舊縷堤原因旁堤取土以致堤根成河每
上流劉霄等口漫溢則致灌堤壅激冲撞縷堤坐此
不支今棄此堤於不用而另幫近年所築月堤已為

得策又恐縷堤決則月堤亦危且碭山居豐沛上游
碭堤乃豐沛外戶外戶失守則堂輿隨之故復做黃
河順水壩之意於單碭接界處築斜長大堤一道長
千餘丈使上流漫溢之水循壩徑歸大河不得迫縷
堤以危月堤試有成效宜加意此壩冬春撥夫幫培
伏秋倍夫防守此保全碭山豐沛一帶隄防關鍵也

豐縣

豐縣知縣 管河

南岸長堤上自碭山界起下至沛縣界止長四十八里遊夫五十名

蕭縣

新
北岸東北呂梁城
遷
北岸西北沛縣

石城

胡佃溝 北陳

孤山 九里山 洞山

蕭縣西 永涸湖 姬村湖

蕭縣知縣 管河主簿

黃河南岸上自豐碭界起下至徐州界止長六十里
縷堤上自趙家固起下至蕭縣兩河口單龍莊止長

七十五里

沛縣在河北職官見北岸

大行堤自豐縣界起至本縣西門止長三十三里

縷堤自豐縣華山起至徐州魏家莊長二十七里

徐州

北岸東北呂梁城北岸西北浦縣

石佛山 臺頭山 魁山

三山 房村

徐州知州 管河判官二員

南岸上自徐州界起下至靈璧界止長一百一十里

城堤遊夫一百四十名徐州堤夫九十名碭山遊夫九十名

險工賈家嘴小店邢家莊賈家樓

南嶺小村險工一道關係民生春初估計歲修

徐州創鑿魁山支河一道

南嶺徐州遙堤起天字號歷地玄黃日月盈昃辰宿列張寒來字號靈壁界止

徐州上河判官 下河判官在北嶺

南岸縷堤自魁山七里溝蘓北起下至靈壁界止長六十四里

遙堤自黃家鋪至劉家鋪長四十五里趙家鋪至褚家鋪長三十六里

城堤上自韓家山起至魁山止長十二里內有郭家嘴險工一道關係城池民命城堤夫一百四十名

房村徐州下河判官管黃河上自七里溝起下至來字堡靈壁界止長七十三里 房村格堤

南岸遙堤起徐州三山頭至李字號

宿遷縣

計長二萬

八千五百五十八丈八尺所編字號與縷堤同

前此南岸常決房村曲頭集等處民間田地一望成湖而正河坐此淤壑以致水發則舟行市中民棲山頭蓋由縷堤束水太急必難免於冲潰自南岍遙堤築成範圍寬廣縱遇泛漲水勢淺緩易于防守

防禦之法格堤最妙蓋縷堤既不可恃萬一決縷而入橫流遇格堤而止可免泛濫水退歸漕淤留地高

最為便利

中河分司

淮徐道兼轄

淮安府邳宿同知 轄靈壁睢寧邳州

鳳陽府靈璧縣

北岸東北邳州北岸西北呂梁城

單口雙口

靈璧縣知縣 管河主簿

黃河上自徐州界枋枋灣起下至睢寧界止長十五里

南岫堤工張寒來暑往八堡係本縣額設淺夫幫築

淺夫三十名

南岸遙堤自靈壁界暑字號起歷往秋收冬字堡靈壁縣止

單口格堤暑字號鋪此處縷堤正當黃流之衝河狹水急必不可守今棄縷守遙水漲任其至遙以適濬洫之性水退仍歸正河以免分奪之患

雙口遙堤

收字號鋪

淮安府睢寧縣

北岸邳州

馬家淺

辛安

土山

象山

龜山 羊山

睢寧縣知縣

黃河上自靈璧曲頭集起下至邳州羊山止長六十
四里淺夫三百一十二名又宿州協濟夫六名虹縣
協濟夫六名

工程清水口 王家堡

南岬遙堤睢寧縣藏字號起金字號睢寧縣止
武家營朱家營孟家灣等處險工歷年修築

康熙十年又估築遙自田家莊起長八千八百二十

八丈

馬家淺格堤

成字號舖

辛安格堤

雲字號舖

邳州黃河南岸上自睢寧縣起下至宿遷界止長六十里

邳州在河北職官見北岸

南岸堤工係睢寧地方內有水玉二堡于順治十五

年大溜南冲邳睢二州縣築月堤一道康熙十年又
築遙堤一道雙溝棄縷守遙固為得策但恐漲水直
至峯山未免分流今于邳州對河羊山龜山土山相
接處卽築格堤長四百八十丈縱有順堤之水遇格
卽返仍歸正漕自無奪河之患此堤雖係睢寧地方
然邳州不遠專責該州掌印管河官時加督閱培築
之工勿怠勿忽

羊山格堤在生字號鋪

宿遷縣界

宿遷在河北

起珍字號鋪至羽字號鋪止

此處

新設宿桃管河南岍淮安府同知駐劄宿遷

中河分司

淮徐道兼轄

宿遷縣東小河口睢水白洋河來入黃河宿遷東四十里

宿遷縣在河北職官見北岍

黃河南岍自邳州界起至桃源界止長一百二十里

工程有彭家堡宋衣城

南岫遙堤自睢寧古堆頭起至白洋桃源界止長一萬二千六百丈

睢水出蕭縣南經永涸姬村等湖歷宿州靈璧睢寧及各泉行潦之水名小河口會流又岐為白洋河皆入黃河

中河分司

淮徐道兼轄

新設淮安府管歸仁堤同知駐劄歸仁

歸仁遙堤長七千六百八十二丈八尺前此黃河泛漲每倒灌入小河口白洋河並挾諸湖之水決歸仁堤直射泗州正河愈奪自築長堤橫截之後堤內田地悉皆乾出流民盡歸耕作鳳泗免冲潰之虞

歸仁堤所以捍禦黃水睢水湖水使不得南射泗州並攻高堰而又遏睢水湖水使之併入黃河蓋築冲刷關係最為重大每歲三月間即當播洪夫三百餘

名協同本堤夫併力修護堤下宜密栽茭柳以塘風浪其水浸堤根利深處即預下護埽一二層椿笆歌朽者務逐一掘換填築內四鋪以至九鋪尤為危險工宜倍之每歲冬春宜多運椿檣繩草分貯各鋪其管河主簿督令專駐本堤以便督率前歲議築石壩以工力不足僅成二千一百丈尚餘二千九百丈若得全完幫護之工可免矣然其橐籥則又在小河口之謹塞蓋小河通則睢水徑入黃河而歸仁之水減

半其藩籬則又在耿車時兒灘一帶之堤蓋此堤高
厚堅固則睢水不能浸入埤子等湖而小河常通矣
故上自高車下至時灘皆當接築長堤歲加修守且
密栽茭柳以護之蓋修守此堤卽所以修守歸仁也
況小河常通則靈睢宿遷積水得泄而沮洳漸成膏
腴舟行徑直免犯湖險而小民便於販易其為地方
利非淺鮮也司河者宜加意促成之

孫家灣 烟墩

桃源縣

北岫東北清河縣
北岫西北宿遷縣

馬廠坡

腰鋪

烟墩險

工

王簡 張福堤

桃源縣知縣

管河主簿

添設同知主簿各一員

黃河上自宿遷古城起至清河駱家營止長八十五里

南岫烟墩龍窩二險工及李家口談家灣高家灣陸

家壩

南岫遙堤自烟墩舊大王廟起至馬廠坡止長七千

二百九十六丈淺夫七十三名

桃源縣地方有馬場坡橫堤長七百四十六丈蓋慮黃水大漲則從此入淮而淮為之淤淮水大漲則從此洩出而清口流弱故特築橫堤一道以遏之使黃不得入淮不得出最為緊關宜慎修之

桃源河南岫有諸決口自馬廠坡南奔入淮而北岫又決崔鎮等口故正河淤墊今北面既築遙堤而南面因馬廠坡一帶高崗橫築斜堤一道兩堤夾挾自

無奪河之患

中河分司

淮楊道兼轄

淮安府管山清河務同知駐劄本府

清河黃河南岍西自桃源界吳城起東至運河口二十五里又自運河口起至山陽界李家淺止八里又自運口起至文華寺迤東七里墩山陽界止計七里
清河縣治在河南職官見南岍

王簡張福堤在清河南岨淮水從此二口洩入黃河
致分淮水之力而清口淤淺且黃水泛漲亦能倒灌
入淮今築堤捍之淮無所出黃無所入而清口之力
專矣

淮河口通濟閘

河北岸
清河縣

新莊閘漕運咽喉 閘官一員夫三十名

河南岸天妃壩石工惠濟祠後椿草工係官工

甘羅城

清江浦堤

西橋裡壩係當直射之處且逼近淮城最為險要今砌西橋石工九十八丈裡壩石工一百餘丈

中河分司

淮揚道兼轄

淮安府新設管河山盱同知

淮安府山陽縣 徐家壩 柳浦灣廠 盧浦 羊寨

各套 廟灣

山陽縣知縣 管外河主簿

黃河南岸自清河界李家淺起至北沙止三百一十里內極險則有王家堤石工新溝建儀蘓嘴淤工馬邏五大椿埽險工又條堤內之顏家河真武廟原係官修又潘家淫塞周艾口張薊賈三淫茭清七溝侍家塢四堡溝北沙等口原係民修

柳浦灣廠

馬邏巡司

羊寨巡司

歲守淮城北岨遙堤清江浦起由柳浦灣至高嶺止
共堤一萬六千九十一丈近又加至戴百戶營止共
堤八千一百五十六丈向來置之若棄萬歷十三年
范家口一決淮城幾為魚鱉工費不貲復還故物今
設大使一員夫五百名專守一帶堤岸乃淮安城北
外捍殊為喫緊如有汕刷隨宜修補倘遇大有損動
此於堤內有產之家量起夫役相幫修築伏秋之時

選撥省祭陰醫等官畫地分守仍須預備椿草繩葦之類各安置要害處所以待不時之需每歲冬春之交即預行申飭山陽縣自今河由草灣正河俱淤殊不足慮然河性不常一旦忽歸正道修守之法仍須誌之

守徐家壩清河以下黃淮二瀆交流注海越五十里一大折於淮郡之西橋又三十餘里一大折於徐家壩其冲激怒號之勢無異西橋前此治者屢壩屢壞

為與水爭尺寸地耳今議棄舊址只營月壩去水稍
遠令無湍流外護椿埽用實壩基事省功倍良得策
也每歲派撥官夫預備物料伏秋將屆專責山陽縣
令督管河主簿不時巡視少有圯壞輒先綜理年復
如斯斯永賴之

兩河清彙卷五